

Jan e lel nyahan em ek'awɲ

Ów ek'it eke wɛl k'uw any

Jan ek'el Jesu ec'erm es a anake kok lel na awɲ igɲ nyam eke itɲɲ erm em el Es Kɔtɔkɔ eci, ke wɛl b'ɛsɲ Gayus a. S'uwm in e lís lele in e Nyamel a eke li b'im em ab ab e lís e low kaka any. Gbɛkɔ lel ab em, s'am ɛkn eke Jan ec'agɲ a eke b'erm im am ɔb Nyam e kokoba el ogɲ yogɲ a, li b'eb wɛl etu senyn senyn. Sica el e Nyamel ab em, ɛgɲ nyam eke wɛl b'ɛsɲ Diotref ke el idr esel ab em e nyam a, in, ɛgɲm ebm agɲ a eke Jan b'erm a ɛɲɲ li bi dad ów ɛɲɲɲ Jan e lís.

Jan kok lel na am awɲ Gayus, l'áw ow ke li dád ow eke ow ki wewram Diotref ów. N'am ibrm eke Gayus k'eb Demetrius ek'am oc lel a im ɔɲ'n a etu senyn senyn, aɲke in yeji l'el ɛgɲ ek'am kok juma Es Kɔtɔkɔ eci.

Lɛl a am yegm ey eke si k'eb erur em, agɲ a fɛɲ eke am kok juma ɔɲ Es Kɔtɔkɔ a.

ɛsɲɲ

¹Em Nyamel ec'ɛgɲ Likpekɲ, em lawl Gayus eke m'erur nawrɛ em, m'am awɲ lel. ²Erur em e lawl mamn, m'am erur eke ów fɛɲ k'akpal'ɲ, ke sos írm'ɲ es, ɛsɛ elel eke abɲ em yeji ɔny lɛc ab af. ³Sos em am iɲn'm nɔnɔ, lɛgɲ a ek'agɲ lisijimɛl ow, ke ij danɲu eke ɲ bi kok cɛcɛ Nyam e low fɛɲ em a. ⁴Eke m'iri eke em ec'ey am an es low nawrɛ em a, sos em am iɲn'm ligbel akm low ɛjeci fɛɲ.

⁵Erur em e lawl mamn, bi kok ów amamn ɔmn em ɔɲ agɲ lisijimɛl ek'el etu a yeji. ⁶-N'am ij ɲ ec'erm mamn e danɲu Nyamel ec'any af. M'am ɲɔɲɲ'ɲ, kòk el ec'ejagb us e low ɛsɛ elel eke Nyam erur ab af, ⁷aɲke Jesu Krist e nin a sosiem anake -n'imn, ke -l'ebm ob kaka Nyam e low any uwm esel ec'abu em a. ⁸S'ɔtu eke si k'elum agɲ amua abu, yec'ɛɲɲ ke el ɛɲɲ em s'ókr af s'el low nawrɛ e juma kok esel.

Diotref e dedeku eke n'ɔɲ

⁹Mi nɔn ów beb m'ɔɲ **Nyamel**; kɔ Diotref eke b'erur e k'el el em e krɛkrɛ a ebm ey ec'odad a. ¹⁰Na sosiem, eke m'am ow m'ɛkn ɔny a, m'ow mi dad ɔny ów eke n'am kok a. N'am dad ów ɛɲɲɲ l'ok ey af. Na yeji ow

éyrm'n erm es, l'ébm agɲ lisijimɛl, etɲ agɲ eke b'erur eke k'eb el a yeji, li b'edɲɲ wɛl, etɲ li b'ogɲ wɛl Nyamel em.

¹¹Erur em e lawl mamn Gayus, kɪ wewrm ów eɲɲɲ kok ɛsɛl ów, kɔ kòk ów amamn. ɛgɲ eke bi kok low mamn a, el Nyam eci; ɛgɲ eke bi kok low ɲɲɲ a, l'éknm Nyam.

Demetrius ec'aw lele ɛsɲɲ ab

¹²Demetrius ec'a gbɛ, agɲ a fɛɲ am ij in e daɲku, in ec'es an mamn a sosiɛm. ɛy obi yeji s'am ij in e daɲku. ɛtɲ ɲ obi yeji uw any eke ɛy e daɲku ij a el nawrɛ. ¹³M'ony ów nɔnɔ eke mi ki nɔn m'awɲ'ɲ, kɔ m'erurm eke mi k'oc lɛl mij lele lɛl likɲ ab mi nɔn. ¹⁴M'am tutr eke mi k'ow m'ekn'ɲ lɛgɲ tɛl em, ke si dád ów s'okarir.

¹⁵Ke erm es ɛy áɲɲ ɲ ab! Awlɲɛl a fɛɲ am ibrm'ɲ. S'am ɛkn ɛy lawlɛl a fɛɲ ec'ɛgɲ nyam nyam.